

ԱՇՈՏ ՍՏԵՓԱՆՅԱՆ

ՄԵԿ ԿՅԱՆՔԻ ԵՐԵՔ ՊԱՏԿԵՐԱԳՐՈՒՄՆԵՐԸ

18-րդ դարի վերջի և 19-րդ դարի սկզբի Կովկասում կատարվող բուռն քաղաքական իրադարձությունների հենքի վրա առանձնանում է վրաց արքա Հերակլ Բ-ի որդի Ալեքսանդրի (1770/1-1844) ինքնատիպ և մասամբ ողբերգական կերպարը: Նախնական կրթությունը ստացել էր կաթողիկ հայրերի մոտ: Բանիմաց էր, գրագետ, տիրապետում էր լեզուների, ակտիվ մասնակցում երկրի քաղաքական կյանքին, վայելում իշխանական տոհմերի բարյացական վերաբերմունքը: Արքայի մահից հետո, արքունական սադրանքների հետևանքով, Ալեքսանդրը կհեռացվի պալատից և ժամանակ անց, իր մի խումբ համախոհների հետ կհեռանա Իրան. որտեղ ստանալով Ֆեթի-Ալի շահի հովանավորությունը, կձեռնարկի պայքար Վրաստանում արքունիքի վերաձևավորման և իր վերադարձի համար, անգամ մասնակցելով 1826-1828թթ. ռուս-իրանական պատերազմին: Մական 1832թ. Կովկասում հաստատված ռուսական իշխանության դեմ կազմակերպված դավադրության մասնակից վրաց մեծատոհմիկ վերնախավի ձերբակալմամբ վերջնականապես կանձանա Ալեքսանդրի վերադարձի հույսը¹: Պատմա-քաղաքական այս համառոտ հենքին կմխիյուսվեն նաև պատմա-գեղարվեստական բնույթի վաաստեր, որոնց շարքում յուրօրինակ արժեքավորում կստանան վրաց արքայազնի երեք դիմանկարչական աշխատանքները, կատարված Իրանում դեռևս նրա կենդանության օրոք, որոնցից առավել նշանակալիցը կպատկանի արքայազնի մերձավոր, նրա կյանքի դժվարին պահերին նրան սատարող հայ նկարիչ Եսայի Ջանջուղազյանցի վրձնին:

Ալեքսանդր արքայազնի առաջին գեղանկար պատկերումը գտնվում է Թեհրանի Նեզարեսթան պալատի ընդունելության սրահի պատերից մեկի վրա կատարված խմբանկարի մեջ: Այս որմնանկարի ստեղծման վերաբերյալ, հայ իրականության մեջ առաջին հիշատակումը պատկանում է հայ ականավոր գրող Բաֆֆուն (Հակոբ Մելիք-Հակոբյան), որն այդ մասին հիշատակում է իր «Վրաց իշխան արքայազն Ալեքսանդրի կյանքից Պարսկաստանում» հոդված-հուշագրության մեջ²: Հեղինակի հոդվածը արժեքավորվում է և պատմագրական առումով, քանի որ շա-

յառաջված փաստերը հիմնվում են ականատեսների պատմածների վրա. երբ Ալեքսանդրյու բնակվում էլ Սալմաստ գավառի Խոսրովա հայաբնակ գյուղում, որը նրան էր նվիրել Ֆեթի-Ալի շահը: Ըստ հեղինակի «Ֆեթի-Ալի շահը սիրում էր իշխան Ալեքսանդրին: Նա շնորհեց նրան Վալիի Գուրջիսթան (Վրաստանի նահանգապետ-Ա.Ս.) տնտրությամբ... Ֆեթի-Ալի շահը այնքան պատվեց նրան. որ մի անգամ. երբ նա ուներ մեծահանդես Սալան (ընդունելություն-Ա.Ս.) Նիզարիսթանի այգու ապարանքում. ընդունեց իշխան Ալեքսանդրին իր ամենաբարձր դրանիկների թվում....: Շահը հրամայեց նույն հանդեսի պատկերը նկարել ապարանքի դահլիճի պատի վրա, որի մեջ առաջին տեղը բռնում է իշխան Ալեքսանդրի պատկերը»: Հեղինակը, տուրք տալով մեծամուն վրաց իշխանավորի անվանը, նրա կերպարի վերադարձությունը նշում է առաջնային: Իրականում այդ պատկերագրումը կատարված է յոթ մեծածավալ կտավներից մեկի վրա, որտեղ շահի մերձավորների և հրավիրված հյուրերի դիմանկարները գետեղված են լստ զբաղեցրած պաշտոնների հաջորդականության (մոտ 80 կերպար)³. յուրաքանչյուրի ազնվական կոչման ու զբաղեցրած պաշտոնի գլուխամբ: Ալեքսանդրյու պատկերված է Իրանի թագաժառանգ Աբբաս-Սիրգայի կողքին, 10-րդ տեղում. «Ալեքսանդր Միրզա Վալի-ե Գուրջեսթան» (Ալեքսանդր Միրզա՝ Վրաստանի նահանգապետ) գլխամամբ, որի կողքին են նաև Երևանի նահանգապետը, մի քանի եվրոպացի հյուրեր ևն: Նկարի կոմպոզիցիոն ողջ համակարգը կառուցված է 19-րդ դ. Ղաջարական ոճի առավել տիպական նկարչության սկզբունքների դեկորատիվ մոտեցումներով, որոնք ծառայում են կերպարների պաշտոնական աստիճանավորումն ընդգծելու համար: Հիշենք, որ Նեգարեսթան պալատի կառուցման և ներքին հարդարման աշխատանքները ղեկավարում էր ժամանակի հայտնի պալատական նկարիչ Աղաջան Էսֆահանին, որին հետագայում կվախարինի գլխավոր ճարտարապետի և նկարչական արհեստանոցի ղեկավարի պաշտոնը ստանձնած Աբդուլլահ խանը, որի օրոք էլ կստեղծվի այս նկարաշարը: Հետաքրքրական է նաև այն հանգամանքը, որ նկարիչը ևս պատկերված է արքայազն Ալեքսանդրի հարևանությամբ, Մեծ վեզիր Միրզա Մահմադ Շահիլի կողքին (հնարավոր է, որ որմնակարների ստեղծմանը մասնակից լինելու և ժամանակի հայտնի նկարիչ՝ Գուլամ-Ալի Մեհրը, որի վրձնին պատկանող Ֆաթի-Ալի շահի մի քանի դիմանկարները պահպանվում են Թբիլիսիի Վրացական արվեստի թանգարանում⁴):

Ալեքսանդրի հաջորդ դիմանկարը կստեղծվի Թավրիզում, հայազգի նկարիչ Եսայի Ջանջուրազյանցի կողմից. ամմիջապես բնորոշ: Ջրաներիկ այս աշխատանքում Ալեքսանդրյու պատկերված է ստույթափոր ծառի տակ նստած, գլխահակ, կողքին կանգնած ձիու սանձը ձեռքին: Աշխատանքում նկարիչը ինքնատիպ վարպետությամբ կառուցել է վերադարձվել հոգեկան խռովահույզ վիճակում գտնվող մի մարդու կեր-

պար, որը բախտի ու ճակատագրի քմահաճությամբ հայտնվել է օտարության մեջ, անհեռանկար կյանքով, առանց մերձավորների, միայն երևակայական «արքայազնի» տիտղոսով, ապրում է մեծագույն հիասթափություն, բայց և միևնույն ժամանակ ունի կյանքի անկատար մի նպատակ՝ վերադառնալ հայրենիք:



Նկարի հեղինակի՝ Շապի Ջանջուղազյանցի անունը դուրս է մնացել հայ արվեստի 19-րդ պատմությունից, չնայած այն հանգամանքին, որ նա զգալի հետք է թողել ինչպես հայ, նույնպես և վրաց արվեստի պատմության մեջ, ստեղծագործելով Թիֆլիսում, որտեղ նա կատարել է տեղի ազնվականների բազմաթիվ դիմանկարներ: Հնարավոր է, որ վրացական արքունիքում գտնվելու ժամանակ նրա և երիտասարդ ու արվեստով

հրապուրվող Ալեքսանդրի միջև ստեղծվել էին բարեկամական հարաբերություններ. որոնք շարունակվեցին մաս Իրանում, երբ Ջանջուղազյանցը, դարի 40-ական թթ. կտեղափոխվի Թավրիզ, մնալով արքայազն Ալեքսանդրի կողքին, վերջինիս կյանքի դժվարին օրերին:



Նկարչի առանձնահատուկ և ջերմ վերաբերմունքի մասին է վկայում նույն նկարի ցածում նկարչի ձեռքով գրված քառյակի տողերը՝ հայերեն, վրացերեն և պարսկերեն լեզուներով.

*Սա Ալեքսանդրն է, որը թշնամիների վրա սարսափ է տարածում,
Հերակլ երկրորդի որդին, որ առյուծի է մեանվում,*

*Օր ու գիշեր անխոնջ ցանկությամբ
Քարթլին և Կախեթն է նա փափագում:*

Նկարի վրա կա նաև նկարչի կողմից կատարված եռալեզու ինքնագիրը. «Նկարել է ծառան ի հուշ սխրաքակցի, 24 դեկտեմբերի 1840 թիվ: Նկարել է Եսայի Ջանջուալազյանը»:

Հետագայում հեղինակը նկարը կնվիրի թավրիզաբնակ հայեր Սահյանների ընտանիքին, որոնց հետ մոտ էր նաև ինքը՝ Ալեքսանդրը: Այս անվանի ընտանիքին մոտ կլինի և հայ մեծանուն Հովնաթանյան նկարչական տոհմի շառավիղ Հակոբ Հովնաթանյանը: Տեղին է նշել, որ արքայազնը մտերիմ էր Թավրիզի և Թեհրանի հայ համայնքի բազմաթիվ ընտանիքների հետ, որը բացատրվում էր մասամբ այն հանգամանքով, որ Ալեքսանդրի առաջին կինը, Երևանի մելիք Սահակ Աղամալյանցի դուստր Մարիամն էր, որից և ուներ որդի՝ Իրակլին: Ֆաթի-Ալի շահի մահից հետո (1834թ.), արքունական բանսարկությունների պատճառով, զսկին հավակնող նրա հետնորդների կողմից Ալեքսանդրը կշնորհագրվի և հեռացվելով պալատից կտրվի մոռացության և, ըստ Բաֆֆու հիշատակման, «...կորցնելով իր իղձերի իրականացման հույսերը, ապրում էր ծայրահեղ աղքատության մեջ»: 19-րդ դարի 70-ական թթ., Թիֆլիսում հրատարակվող «ԸՍՅօ, րՏոՐՈվվօպ ԱՌՉՍՈջրՍՏ՝ ՈՐուՍՅ-ԲՈՒՌ-փայրՍՏ՝ ՍՏՎՈրոն-պ» բազմահատորյակի 5-րդ հատորում կգետեղվի արքայազն Ալեքսանդրի դիմանկարը, որի վերաբերյալ, հրատարակիչ Արուի Բերժեն կնշի, որ այն կատարել է Ջանջուալազով նկարիչը և այն լուսանկարվել է Թավրիզում, սակայն գեղանկարչական առումով թույլ աշխատանք է⁶: Պետք է հստակեցնել, որ տպագրված օրինակում Ալեքսանդրը պատկերված է կոմպոզիցիոն այլ լուծումներով. գտնականության, ճանապարհորդական հագուստով, ձեռքը դաշույնի վրա, հագին հասարակ արխալուս և փափախ: Կերպարի մոդելավորումները և դեմքի ռեսալիստական ու ծավալային նուրբ մշակումները հուշում են 19-րդ դ. Թիֆլիսում տարածված դիմանկարչական արվեստի սկզբունքներով ստեղծագործող, ժամանակի դիմապատկերի ակնառու դեմքերից մեկի՝ Հակոբ Հովնաթանյանի կողմից կատարված որևէ օրինակի ընդօրինակման փաստը: Աշխատանքը շրջերիզված է բուսական զարդանախշով կատարված եզրաշերտով, որի մշակումները մոտ են իրանական մանրանկարչական ոճական առանձնահատկություններին: Հաշվի առնելով արքայազն Ալեքսանդրի նկարի իրական գեղարվեստական մեկնաբանումները, ակնհայտ է, որ այս դիմանկարչական պատկերը մտացածին աշխատանք է, իսկ կերպարի իսկությանը հավաստի տրոճներու համար, հրատարակիչը օգտագործում է հայ նկարչի անունը: Տպագրված օրինակը անտարակույս եվրոպացի վիմագրի կատարած է և չի կարող լինել Ջանջուալազյանցի աշխատանքի տարբերակ անգամ մտքային հորինվածքի անհամապատասխանությամբ:

Արքայազն Ալեքսանդրը իր մամակներից մեկում կգրի. «Հավատացեք, որ եթե ես լինեմ իմ հայրենի հողում. դա կլինի իմ հանգիստն ու երանությունը, իսկ եթե չլինեմ իմ հայրենիքում. ապա երբեք չեմ ունենա հանգիստ»:

Ալեքսանդրը մահացավ Թեհրանում, 1844թ., 73 տարեկան հասակում՝ որի կապակցությամբ Բաֆֆին կգրի. «Նորա վերջին կտակը եղավ այն, որ յուր մարմինը տարվի Վրաստան և այդ պատճառով նորա դագաղը երկար, անթաղ դրված էր Թեհրանի Շահ Արդուլ-Ազիմի դերվազայի հայոց եկեղեցում: Բայց կտակը չկատարվեցավ»¹: Ալեքսանդրի մտերիմ, հայազգի հասարակական և քաղաքական գործիչ Յաղուբ-խանը (Հակոբ) նույնպես չկարողացավ կատարել Ալեքսանդրի կամքը և նույն եկեղեցու գավթում, Բաֆֆու վկայությամբ «...դուռն հանդեպ թաղեց իշխանի մարմինը»: Սբ. Բարդուղիմեոս եկեղեցու մուտքի լուռ և այսօր էլ դեռևս նկատելի է վրաց արքայազն Ալեքսանդրի մասամբ հողածածկ և ժամանակին չդիմակայած համեստ շիրմաքարը:

Վրաց արքայազն, հայ բարեկամ, օտարության մեջ լքված կյանք և երեք պատկերագրված հուշ:

ASHOT STEPANYAN

THREE PORTRAITS OF ONE LIFE

At the end of 18th - at the beginning of the 19th centuries in the Georgian royal court should be distinguished the original image of Prince Alexander (1770/1 - 1844), who later will be expelled from the Palace, finding a refuge in Iran along with few adherents, among them - Armenian painter Esayi Janjughazyants, who had supported the Prince in difficult times of his life. The name of E. Janjughazyants remained outside the history of the 19th century Art, in spite of the fact that he left a trace both in the history of Armenian and Georgian Arts, operating in Tiflis and Iran.

Three portraits of Prince Alexander are known, among them a picture made by the Armenian painter, is estimated as the ultimate chord of the tragical life of the Georgian Prince.

ՅԱՆՈՅԱԳՐՈՒԹՅՈՒՆՆԵՐ

1. Մանրամասն տես՝ А. Ерицов, Последний потомок Грузинского царского дома, "Весь Кавказ", 1903, т.1.
2. «Մշակ», 1872, # 13, էջ 1: Տես. Բաֆֆի, Երկ. ժող., Հ. 9, Եր., 1964, էջ 32-36:
3. «Հոմար վա Սարդոմ» (Մշակույթ և ժողովուրդ), 1974, # 144, էջ 31-37 (պարսկ.)
4. Ш. Амираншвили, Иранская станковая живопись. Тифлис, 1940, с. 30.
5. Բաֆֆի, նշվ. աշխ., էջ 32:

6. Акты, собранные кавказскою археографическою комиссиею, т. V, Тифлис, 1873, с. VIII.6.
7. Histoire de la Georgie. v. II, p. 637.
8. Դաճիկի, Նշվ. աշխ., էջ 34: